


Usono provas interrompi Rusio-Afrikan pintkunvenon, diras vicministro pri eksteraj aferoj



Havano, feb 27 (RHC) Rusa vicministro pri eksteraj aferoj Miĝail Bogdanov deklaris ĉi-dimanĉe en Moskvo, ke Usono faras senprecedencan premon al afrikaj landoj, por malhelpi la Rusian-Afrikan Pintkunvenon en Sankt-Peterburgo en julio 2023.

"Ekde la komenco de la speciala milita operacio, la kolektiva Okcidento signife pliigis premon al afrikaj landoj, per minacoj de sankcioj kaj suspendo de financa kaj humanitara helpo", li emfazis.

Bogdanov precizigis, ke "la usonanoj ĉiutage elpensas akuzojn kontraŭ ni pro la venonta malsato, pro la plialtiĝo de la prezoj de brulaĵo, greno kaj sterkoj kaj, sekve, pro la pligraviĝo de la sociekonomiaj problemoj de la kontinento".

Li emfazis, ke en la jarcenta tradicio de rusa diplomatio, estas kondiĉite "konsideri ĉiujn eblajn eksterajn faktorojn, antaŭenigi nian propran tagordon, altigi la ĉefajn interesojn de Rusio kaj ĉiuj amikoj".

"Kaj ni ne intencas devii de ĉi tiu direkto," li emfazis, do, "nia lando firme subtenas la principon de libera elekto de la vojo de disvolviĝo de suverenaj landoj, kiu estas la ĉefila ideo de la venonta dua Rusio-Afrika pintkunveno," aldonis.

La? la vicministro, la preparoj por la kunveno plenevoluas; la tagordo estas ellaborita kune kun la afrikanoj.

Fonto: PL

<https://www.radiohc.cu/eo/noticias/internacionales/315014-usono-provas-interrompi-rusio-afrikan-pintkunvenon-diras-vicministro-pri-eksteraj-aferoj>



Radio Habana Cuba